

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- लेफ्टिनेंट गवर्नर मनोज सिन्हा होरें पहलगाम आतंकवादी हमले पर चर्चा लेई अज्ज विधानसभा दा इक दिनै दा बशेश इजलास सद्दे दा ऐ। इस हमले दी निंदेआ आह्ला प्रस्ताऽ अज्ज विधानसभा च पास कीता जाहग।
- मुखमंत्रि ओमर अब्दुल्ला होरें आतंकवाद ते ओह्दे समर्थकें खलाफ नतीजाकुन कार्रवाई करने दे कन्नो कन्नी आम लोकें दे बसाह्-भरोसे दी राक्खी करने दा आह्वान करदे होई आखेआ ऐ जे पूरा जम्मू-कश्मीर आतंकवाद दे खलाफ खड़ोते दा ऐ।
- केन्द्री मंत्री डाक्टर जीतेन्द्र सिंह होरें उधमपुर च उच्ची-सतह दी सुरक्षा बैठक दी प्रधानता करदे होई आतंकवाद-रोधी कार्रवाईएं ते तुपाई अभियानें बारै जानकारी हासल कीती।
- पहलगाम आतंकी हमले दे मगरा सैलानी हून फही जम्मू-कश्मीर परतोआ करदे न। गुलडंडा ते छत्तरगला च आए दे सैलानिएं आखेआ ऐ जे ओह् आतंकवाद खलाफ इकजुट न।
- बडगाम च आतंकवादिएं दे हिमायती द'उं संदिग्ध ओवरग्राउंड वर्करें गी पीएसए तैह्त हिरासता च लैता गेआ ऐ।

<><><><><><>

JKLA Special Session

जम्मू कश्मीर च प्रदेश कैबिनेट दी गुजारश मगरा उपराज्यपाल मनोज सिन्हा होरें पहलगाम आतंकी हमले पर चर्चा करने आस्तै अज्ज विधानसभा दा इक रोजा विशेष सत्र सद्देआ ऐ। विधानसभा पहलगाम आतंकी हमले च मारे गेदे लोकें गी श्रद्धांजलि देग जेह्दे परैंत घटना दी सख्त निंदेया करदे होई इक प्रस्ताह पास कीता जाग। पहलगाम आतंकी हमला जेह्दे च 25 सैलानी मारे गे हे ते केई दुए जख्मी होई गे हे। विधानसभा च अज्ज आतंकी हमले च मारे गेदे लोकें गी श्रद्धांजलि दित्ती जाग जेह्दे परैंत इस घटना ते सरबंधत होरने विषयें पर चर्चा होग ते इस बारे मगरा इक प्रस्ताह बी पास कीता जाग।

<><><><><><>

CM-Terrorism

जम्मू कश्मीर दे मुखमन्त्री उमर अब्दुल्ला होरें आतंकवाद ते जित्थुआं आतंकवाद फैलाया जंदा ऐ, इनें स्रोतें खलाफ फैसला कुन कारवाई दा समर्थन कीता ऐ। पर कन्नै गै ऐसी कुसै बी कारवाई बारे सौहगा बी कीता ऐ जेह्दे नै बेदोसें लोकें दी हत्या खलाफ बाज पुट्टने आले लोकें दे बक्ख बाहरें पेई जाने दी शेंका पैदा होंदी होए। उमर अब्दुल्ला हुंदा एह ब्यान पहलगाम आतंकी हमले दे बाद कश्मीर घाटी च आतंकवादिएं कन्नै सरबंध रखने मकान ढाए जाने ते सैंकड़ा बद्धे लोकें कोला पुच्छ गिच्छ सनें आतंकी तंत्र खलाफ चला'रदी कारवाई दे बाद आया ऐ।

<><><><><><><>

MoS Udhampur Security

आतंकवाद गी बिंद बी बर्दाश्त नेई करने दे सरकार दे धेइये गी फही पक्का करदे होई केन्द्री मंत्री डाक्टर जीतेन्द्र सिंह होरें उधमपुर च इक उच्ची-सतह दी सुरक्षा जायजा बैठक दी प्रधानता कीती। सुरक्षा ते प्रशासन दे वरिष्ठ अधिकारिए उ'नेंगी उधमपुर ते कठुआ दे इलाकें च चलाई जा'रदी आतंकवाद-रोधी कार्रवाईएं ते तुपाई आहले अभियानें बारै जानकारी दित्ती। इस मौके उपपर मीडिया कर्मिए कन्नै गल्ल करदे होई केन्द्री मंत्री डाक्टर जीतेन्द्र सिंह होरें आखेआ

एह्दे अलावा सुरक्षा सरबंधी चैंताएं दे नबेड़े लेई लोकें दे नुमाइंदें ते सिविल समाज दे सदस्यें कन्नै बी इक बैठक लाई। बैठक दी शुरुआत च, पहलगाम आतंकी हमले च मारे गेदे लोकें दे सम्मान च द'उं मिंटें दा मौन रक्खेआ गेआ।

<><><><><><><>

Ex Serviceman Readiness

पहलगाम आतंकी हमले दे मगरा भारत ते पाकिस्तान दे रिश्तें च बधा'रदी तनोतनी दे चलदे देसै दे साबका सुरक्षाकर्मियें देश सेवा लेई अगगे औने दी अपनी बचनबद्धता पूरी तगड़ेयाई कन्नै जाहिर कीती ऐ। जम्मू-कश्मीर थमां साबका जवानें, भारती फौज ते भारत सरकार लेई अपने पूरे सहयोग ते समर्थन दी बचनबद्धता गी फी पक्का कीता ऐ। इ'नें साबका जवानें दा एह ब्यान नेय महत्वपूर्ण समें पर देशसेवा दे प्रति उन्दी बेजोड़ निष्ठा गी दर्शादा ऐ। आकाशवाणी समाचार कन्नै इस बारै खास गल्ल करदे होई रियासी थमां द'उं साबका जवानें आखेआ

<><><><><><><>

Rajnath CDS

रक्षा मंत्री राजनाथ सिंह होरें पहलगाम आतंकी हमले दे बाद सेना दिएं तैयारियें पर बचार बटांदरे लेई कल प्रमुख रक्षा अध्यक्ष जनरल अनिल चौहान हुं'दे नै मलाटी कीती। रक्षा मंत्री हुं'दी कोठी पर तकरीबन 40एं मिंटे तोहड़ी चली दी बैठका च रक्षा मंत्री होरें'गी सेना दी रणनीति ते तैयारियें दी जानकारी दित्ती गई। सीमा सुरक्षा बल दे अधिकारी बी बल दिएं तैयारियें कन्नै सरबंधत मुद्दे पर बैठक लेई कल दिल्ली च हे। तोआई भारती नौसेना नै कल बी कामयाबी कन्नै समुंदरी जहाजें—रोधी मिसाइल दा अभ्यास कीता ते आखेआ जे ओह कुसै बी स्थिति कन्नै निब्वडने लेई पूरी चाल्ली तैयार न।

<><><><><><>

Doda Tourists

पहलगाम आतंकवादी हमले दे किश दिनें परैन्त गै आतंकवाद दे डर गी नकारदे होई मुख्य भरै थमां सैंकड़ां बद्धे सैलानी डोडा जिले च गुलडंडा ते छत्तरगला आहली सैलानी थाहरें पर पुज्जे दे न। इ'नें सैलानिएं दी जोश भरोची मजूदगी नै दलेरी ते एकता दे जज्बे पर लोऽ पांदे होई आतंकवाद दे खलाफ इक तगड़ा संदेस भेजने दा कम्म कीता ऐ। डोडा जिला प्रशासन नै इस गल्लै दी तसदीक कीती ऐ जे सैलानिएं दी सुरक्षा लेई सब्भै लोड़चदे हीले कीते गे न। इस मौके पर बोलदे होई किश सैलानिएं अपने तजुबें सांझे कीते।

<><><><><><>

Budgam OGW

बडगाम जिले च पुलसै कथित तौरा पर आतंकवादिएं लेई कम्म करने आले दऊं ओवर ग्रांडड वर्करें गी जन सुरक्षा कनून दे तैह्त्त हिरासतै च लेई लैता ऐ। गिरफ्तार कीते गेदे इनें दऊं जनें दी पंछान पाखेरपोरा दे ताहिर अहमद कुमार ते कारपोरा दे बसनीक शब्बीर अहमउ गनेई दे रूपै च कीती गई ऐ। बडगाम पुलसै उा आखना ऐ जे आतंकवाद ते राष्ट्र विरोधी ताकतें खलाफ सख्त कारवाई कीती जा'रदी ऐ ते गिरफ्तार कीते गेदे एह् दवै जनें आतंकवादिएं गी हर चाल्ली दी मदद उपलब्ध करोआ करदे हे जेह्दे ढैहरने लेई आसरमा, औने जाने च मदद, लोड़चदा समेयान उंदे तगर पजाना ते होर चाल्ली दा समर्थन शामिल ऐ। अधिकारिएं इस गल्लै दी तस्दीक कीती ऐ जे उंदी गिरफ्तारी जन सुरक्षा कनून तैह्त्त कीती गई ऐ जेह्दा मकसद आतंकवादी गतिविधिएं पर रोक लाने लेई उंदी मदद दा हर रस्ता बंद करना ऐ।

<><><><><><>

Ramban Sericulture

रेशम उद्योग गी तगड़ा बनाने ते ग्रामीण आजीविका दे स्तर गी उबड़ा चुक्कने दी इक कोशश दे तैहत रेशम विभाग आसेआ रामबन च बड़ी सरगर्मी कन्नै जागरूकता कैपें दा आयोजन कीता जा'रदा ऐ। इ'नें कैपें दा मकसद, करसानें गी रेशम कन्नै जुड़ी दिऐं आधुनिक तकनीकें बारै जानकार बनाने दे कन्नो-कन्नी उ'नेंगी सरकार आसेआ चलाई जा'रदी बक्ख-बक्ख योजनाएं बारै जानकारी देना बी ऐ। इस सरबंघै च आकाशवाणी समाचार कन्नै गल्ल करदे होई रामबन दे जिला रेशम अधिकारी संजय रोमित्रा होरें आखेआ

<><><><><><>

Highway

मौसम ते सिड़कै दी स्थिति च सुधार होने दे चलदे प्रशासन नै राश्ट्री जरनैली सिड़कें सरबंघी भारती प्राधिकरण थमां इजाजत थोने मगरा अज्ज जम्मू थमां श्रीनगर लेई गड़िडएं दी इक-तरफा आओजाई दी खुल्ल देई दित्ती ऐ। हौली मोटर गड़िडएं गी अज्ज बड़्डलै 8 बजे थमां नगरोटा शा अग्गे जान दित्ता जा'रदा ऐ ते एह्दे मगरा जखैनी थमां बड़्डी गड़िडएं गी अग्गे जाने दी इजाजत होग ते एह् बवस्था संज्ञां 7 बजे लागू रौह्ग। इस समें दे मगरा कुसै बी बड़्डी मोटर गड़्डी गी अग्गे बधने दी खुल्ल नेई दित्ती जाह्ग।

<><><><><><>